

纂要救偏瑣言

秋

纂要救偏瑣言卷十一

藥性摘要

山查寬氣道而鬆肌。消食解鬱。桔梗清肺氣而開提。升
發滯閉。蟬蛻發痘之必需。甘草解毒之莫缺。前胡清風
熱之疾。寬胸降氣。葛根散肌表之邪。清火解渴。薄荷清
風痰而散驚。鈎藤利驚搐而散悸。木通導赤除煩。從
溺解牛旁清喉解毒。自肌鬆。枳殼下氣寬胸。青皮散
結開鬱。檳榔降氣豁痰。殺虫去積。枳實除食消痰。推牆

倒壁。澤瀉利水通淋。猪苓速於澤瀉。川芎助清陽而升
頭角氣陷。當求毒火上炎者宜忌。木香理滯氣而溫脾
胃陰寒可用乾紅燥渴者須除。大黃驅梟毒之先鋒。破
惡血之能將。早用不致內潰。石膏解煩渴之如烟。退胃
家之火烈。先圖可免焦顏。姜蚕催漿定痒之一隅。白芷
托頂排膿之偏卒。荆芥散風熱而清血中之火。破結消
瘀。防風散風邪而通周身之閉。逐毒燥濕。生地黄涼血
之聖劑。潤燥無雙。熟地黄補血之良相。滋陰第一。麻黃

發痘而透肌膚寒閉則宜肺壅可計陳皮消痰而開逆
氣燥烈則撤胃弱當尋升麻升發散毒而上提火炎當
戒白芍斂陰而退熱血熱莫投山甲力透重圍開通經
絡地龍無地不透善行瘀血毒凝滯而不透紫草當行
血枯乾閉而不榮紅花莫失羚羊清乎肺肝犀角解乎
心熱黃芩瀉肺火而涼大腸黃連瀉諸火而解熱毒赤
芍藥破血中之滯氣療腹痛之毒癰牡丹皮退陰中之
伏火散血熱之氣結桃仁佐大黃而退浮萍血瘀必用

地丁君紅^花而散紫黑毒結尤良。土貝治毒痰而利心肺。
桑皮瀉肺火而治氣痰。滑石利六腑之實結。溺赤尤宜。
杏仁開心肺之閉塞。止嗽亦得。連翹散血結而瀉諸經
之火。花粉化熱痰而清上隔之煩。當歸補血之要劑。尾
破血而頭斂血。鹿茸振灰白之不起。膠滋陰而角助陽。
猪尾膏透伏毒之深藏。無價散轉黑陷為紅活。佞府留
毒化之無敵。珍珠毒凝痛楚定之還須乳沒。牛黃護心
解毒清火開痰。琥珀利水除煩安神散血。黃芪振氣虛。

之不充排膿托裡而實表。人參補真元之不足滋助五臟而生陰。桂為參苓之使。壯血虛冷。附起虛脫之疴。反本回陽。白朮止吐瀉而健脾。茯苓利水道而滲濕。金銀花解痘後之餘毒。地骨皮退痘後之虛熱。茯神酸棗寧毒盡之心虛。訶子肉菓塞脾虛之滑瀉。山藥益土而固腎精。米仁保肺而開脾濕。引藥下行莫過牛膝。運毒達表無如羌活。小柴解潮熱。引藥入肝而主升提。麥冬入心肺能清煩渴而生津液。元參去浮游之火理咽喉。

而快癰疹。山梔去曲折之火。清肺胃而止吐衄。木賊草
退餘毒之目翳。甘菊花療痘毒之目疾。扁豆開脾去暑。
燈心利水清心。補餘天靈人蓋力能透毒鬆肌然

通用。恐皮崩肉烈。童便金汁能解五臟熱毒。果類吞自

火退陰安。丁香有贊助元陽之力。五味有斂神補水之

功。蘇葉發表。品類麻黃。角刺透毒。功勝茅針。沙參補肺

益陰而制陽。丹參養心去瘀而生血。大腹皮消痘毒而

去膨脹。芎根皮散瘀血而止渴煩。冰片涼心血而起黑

陷射香通諸竅而透毫毛青黛清肝火而解胎毒黃丹拔
熱毒而長腐肌辰砂鎮心而安神最瀉心經邪熱雄黃
解毒于臟腑能消腹內癰瘕厚朴溫胃而去嘔脹炮姜
煖胃而解寒凝香薷解暑夏天發表之劑桂枝理風冬
天和表之需車前利小便而不泄氣青蒿治骨蒸而不
懼寒蘆根解熱毒而清胃蘆笋透痘毒于頂尖竹葉清
心去渴竹茹止吐除煩蒼朮燥濕劈惡而解鬱玉竹清
風驅邪而補虛石薺平胃氣善治皮膚之虛熱遠志和

水火能通腎氣達心經菖蒲開心利竅天冬潤肺滋陰
款冬止寒嗽無如紫苑之理血半夏治濕痰當尋天曲
之調脾百部潤肺殺虫萎仁潤肺除結肺傷膿血必資
白芨氣喘痰升獨尚白前胆星治驚痰中風先覓貝母
治鬱痰嗽血須加首烏止_虛虐而消癰續斷接筋骨而宣
血玄胡索活血止痛茜州根活血通經地榆治腸風與
血痢天麻除麻木與風眩鬱金姜黃並開鬱而行氣三
稜蓬朮皆破血而消堅秦艽活絡去風不論新舊木瓜

舒筋去濕無分寒熱蘇子消痰定喘知母降熱除煩胡
黃連治疳積之要藥龍胆草清胆火之強兵茵陳治黃
疸益智止便頻藿香開胃而止嘔茴香暖腹以止疼穀
精草退翳決明子明目豈根瀉心火以保金喉風解毒
射干瀉實火以消痰喉痺散腫常山吐痰甘松開胃酸
棗仁飲汗寧心不寐胆寒當用熟多眠膽熱自宜生胡
朮肉補氣養血虛嗽連皮、飲肺瘡瘍用殼、消癰白
茯苓通心而安神赤茯苓導赤而利水側柏葉止吐衄

崩痢栢子仁養心腎脾肝山茱萸溫肝補腎固精氣而
通九竅吳茱萸治小腹痛除嘔逆而逐陰寒杜仲補腎
氣而治腰膝酸痛黃栢瀉腎火而清下焦濕熱涼大腸
以槐角涼血熱以槐花蔓荊治頭痛及于巔頂辛夷通
鼻塞而止涕淵蜜蒙花補肝以明目山茶花止衄及腸
風蘇木破死血發散表裏風邪產後血脹致死休輕忽
皂莢通關竅探吐痰涎取嚏中風口噤可先施沉香降
氣直入下焦檀香快氣耑利胸膈血竭和血斂瘡口而

生肌烏藥順氣理膈脫之冷閉阿魏消積殺虫蘆薈治
疳去蟲巴豆立去臟腑日久之沉寒乾漆能消瘰癧年
深之堅結竹瀝潤燥痰雷丸消虫積益母去瘀生新澤
蘭化血解毒大棗補脾潤肺烏梅止渴安虵柿乾潤肺
止嗽柿霜生津化痰柿蒂止呃逆與丁香同用柿炭止
腸風與黑芥同加生梨降火消痰能補痰能清六腑之
熱熟梨潤燥除煩能滋五臟之陰枇杷葉降喘急而清
痰火石榴皮收脫肛而止帶崩橄欖雖醒酒與生津若

肺熱還傷肺白菓雖殺虫與治濁若多食必傷人龍眼
肉善養心脾荔枝核善治疝氣蓮藕涼血不畏其寒藕
節止血不愁其濡瀉蓮子清心能靖君相之火蓮鬚固
精能烏鬚髮之白荷葉開脾合枳朮能進飲食荷蒂通
竅同姜蚕起發痘疹芡實固精補脾去濕甘蔗和中潤
燥煩除西瓜解暑消炎荸薺涼胸消食粘米解毒化膿力
能贊痘成漿麦芽健脾開胃能消穀食諸積赤豆散瘀
血浮麥欬虛汗藥品浩繁多于茲撮要耳

論大黃

有客問曰、伏火伏毒、非清解之能、事攻之固不容已矣、然大黃之力、斬關奪門、為蕩滌之將軍、元氣毒火當之、尚爾退聽於氣血、獨無所虧乎、氣血若虧、孰為領載、孰為化解、而終始其功也、予曰、不然、有病則病受病、受其藥則鎔鎔在邪毒、邪毒鎔鎔則氣血不為邪毒桎梏、而融通灌溉于痘矣、不第于氣血無損、正以救護氣血之地也、邪正相乘、一負則一勝負、既在此則勝自在彼、但

當衡其輕重所重在補養正則邪自除所重宜攻驅邪

則正自復何虞氣血之受^損乎

蕩滌之法古來不數見也間有用者不過錢許至三錢
一劑至二劑要不出乎便閉者方用便利即止若錢許
至兩許自放點以至落痂甚至瀉利者用之而便反實
有純利清水者而收猶未已是豈索隱行怪好奇示異
哉奈世變運遷甲子以來痘瘡迥別于前是年曾有一
痘磊落粗絰肥紅光澤圓滿分珠目之者咸贊其為狀
元痘予按其身熱如火口中乾膩予思痘象固佳不宜
熱渴如此謂其父曰是痘氣血強旺又得內無伏毒外
象固好然熱渴太甚火毒非輕速宜涼血清火不可懈
也此人不信不事醫藥至九朝帶火乾收燥硬焦
痂有如是之痘從醫藥亦何至此地乃竟以一熾
矣以如是之痘從醫藥亦何至此地乃竟以一熾

熱一臍渴之嫌
者當何如頂陷而更紫滯者又何如紫滯而更稠密者
又何如如稠密而更九貫珠堆簇者又何如貫珠堆簇
而更內多惡症者又何如是知清解所不効者當破其
凝滯之毒而佐之以清解矣至破滯而不能取勝者當
進而攻其伏藏之毒而佐之以散達矣放點凶惡攻之
而起脹得以清徹則已起脹未應攻之而成漿得以暢
遂即止乃至有收結而始盡淨者有落痂而始霍然者
然其所以然者原非有怪異也前之毒盛者至起脹時
毒盡發于外所謂毒出一步內虛一步至行漿時痂稠
密者惟有氣血不繼故必以保元為要一失內托必至
白陷灰陷錫皮皺濕氣離血散而敗今有毒盛者恒多
伏藏于內輕則內擾重則內潰內擾者猶可以清解疏
達而起即有不應蕩滌之而自鬆透矣若內潰者臟腑
糜爛藥即金丹亦為何用而況清解乎故內毒甚者無
論發始半途即結尾收成餘殃未殄當如除惡務本必

期于盡但盡之一法又當察其輕重緩急而因應之不可執成見于我也純熟于此不特險之重者得以轉危就安即鄰于逆者施功於己發未發時儘可挽回若腰如被杖叫喊不已空竅失血蚤癰蚊迹紫背浮萍纏腰兩截托腮鎖項哮喘倒豎稠密細碎面目豫腫等症前賢往哲列于不治之條皆可以起尤宜治之于早乘毒無定位內未受攻乃克有濟若至三日期其內已受攻亦無如之何矣

論石膏

石膏名為白虎湯火泡燃桐油調敷痛即如失性果何如其寒也人有言疹要清涼痘要溫芩連犀角尚不敢輕投恐傷脾胃用之而且兩許更有始終不撤不惟無